



22258

Katkomp.

III

Mag. St. Df

P

ephotus

*Supin'ali Gaspari: Aeternae virtutum et me-  
ritorum splendor M. Christoph. Sowinski.*

PANEG. et VITAE

Polon. Fol.

NE 1325.



Biblioteka Jagiellońska



stdr0004645





Æ T E R N U S  
V I R T V T V M & M E R I T O R V M  
S P L E N D O R,

*Perillustis olim, Clarissimi, & Admodum Reverendi Domini,*  
D. M. CHRISTOPHORI  
S O W I N S K I,

Sacrae Theologiae Doctoris & Professoris,  
Collegae Majoris, Ecclesiarum Collegiatarum,  
S. FLORIANI DECANI, Praepositi SS. OMNIUM,  
Cancellarij Posnanien: CURATI Prosov: Contubernij  
Philosoph: Provisoris S. R. M. SECRETARII.

IMMORTALITATI ASSERTVS.

*Et dum ei*

Iusta Funebria, in Ecclesia Collegiata S. ANNÆ,  
Magno omnium Ordinum Academicorum dolore  
PERSOLVERENTUR.

*In vim ultimi erga dignissimum Provisorum,*

*& Patronum, obsequij.*

~

M. GASPARO TOPINSKI

Philosophiae Doctore & Professore, Contubernij  
Philosophorum Seniore

DEMONSTRATVS.

Anno Ortæ sub Carneâ nube Increatæ Lucis 1699.

Die 10. Martij.

22258 III

CRACOVIAE Typis UNIVERSITATIS.



# ÆTERNUS

Virtutum & Meritorum

SPLENDOR.

**V**itæ mortalis ad occasum præceps cursus,

Intaminati Splendoris præludium est,

Et feralis vmbra, serenæ gloriæ exordium.

Legitima enim requirit sequela, vt clarum sequentis diei mane,  
præoccupent alta prioris noctis Silentia,

quæ distinguunt inter genuinos & mutuos splendores.

Nempe quoad vivimus, non dignoscimur in turba,

Ceu minutiores in Olympo, cum maioribus mixti Asterismi,

quorum confusum in firmamento lumen, sola nox pandit,

innubis dies non tam obscurat, quàm impedit visum,

ne facile discernat, aureum Cynosuræ & Phocionis sidus,

fulgidum ex maligno.

Vita hominum sic affingit Velamenta sibi

ac Timantis ingenium, dum penicillo format picturas,

Vel Roscius in Scena, dum fabulam agit.

Personas pro veris fictas accommodat, & in theatro visendas proponit,  
dum modò plausum capiat.

Multi, vt fabulam huiusmodi tractarent politiùs

expoliverê ceu pumice ad publicam faciem mores,

intùs Thyesteo crimine deformes.

Induere purpuram Neronis, Fabricij, Heliogabali,

hanc tamen cruore taboq; humano, non verò meritorum murice tinctam

Mors ipsa ostendit, postquam eos vitâ & purpurâ spoliavit

Et quòd gladios non radios, illa vibrabant fulgura

lingua posterorum, & calamus tyrannorum ultor edocuit.

Purpuream Dictatoris Animam

inter astra relata, non adulationis sed æquitatis oculus advertit,

& ad notitiam posteritati literis consignavit.

Profectò mors ipsa fatetur, quanta sit Magnorum Virorum iactura,  
quàm





quàm luctuosus eorum occasus,  
Metimur Splendoris Tui amplitudinem cælo provectam,  
maximè ex hac sepulchrali vmbra  
*Perillustis olim, Clarissime, & Admodùm Reverende Domine,*  
**D. M. CHRISTOPHORE SOWINSKI,**  
**S. Theologiæ Doctor & Professor.**

nuper Te amantium, Corculum & delictum,  
nunc grandis dolor & suspirium.  
decempeda publici mæroris, ostendit Te sidus primæ magnitudinis  
in hoc Septemtrionali Archiatenæo clarissimè fulsisse.  
& jam liminibus luminibusq; nostris cum vehementi cordolio excessisse.  
Attoniti suspicimus, & stupentibus similes hæremus.  
Parcis minimè cuiquam parcentibus indignantes,  
quòd Tibi longioris stamina vitæ non protenderunt.

O nimiam crudelis Proserpinæ ingluviem  
ad optima edulia rigentem!  
Verè exlex tyrannis, & insatiabilis heluo,  
quæ Bacchanalia sua vivere non desinit, vbi omnes desinunt.

O Antropophagam, à corporibus humanis non abstinentem!

Evomisti sævam rabiem, quasi post clausum Iani templum,

à Martis acie ad Palladis arenam transiliens,

inter pacificas Laureas Apollinares

tristes Cupressos plantare velles;

**Falleris nimium!**

Etiam hæc area, nedùm Laurearum sed olearū gaudet plantatione.

Viret ecce vigetq; in æternitate temporum, fama rerum,

cui præmaturè, auram communem eripuisti,

& in iisdem cineribus, quibus splendore illius extinguere allaborabas,  
perpetuos sibi accendit ignes.

Primas crescentis lucis faculas, ipsa Tibi indulsit Lucina,

cuius incunabulis ibi exceptus es,

vnde Magni Viri ad hoc Literarum Emporium

velut ex equo Trojano prodeunt.

Phosphorus Tibi fuerat ad angusta Musarum penetralia,

Viva illa omnigenæ eruditionis Bibliotheca, politionis

Literaturæ amissis, flos delibatus Latij suadæq; melioris medulla.



FLORIANVS LEPIECKI,  
S. Theologiæ Doct: Romanus, Canonicus S. FLORIANI  
Avunculus Tuus.

Hic ingenij Tui Lydius Lapis, indolem Tuam probavit,  
& multis experimentis omnium honestissimarū Artium capacissimam judicavit,  
nè verò dotes Tuas præclaras, vel hostis bonarum mentium torpor,  
vel iners in privato delitescencia, aboleret:

in apricum Te suavi illicio traxit.

Quanquam Theopompum non Ephorum agens, Itimulos omnes odisti,  
Solo honesti ardore & pertinaci in recto, proposito,  
æmulis gloriæ passibus insistens.

Rupisti serviles ignaviæ compedes & vincula,  
vt securè metam honorum attingeres.

Appretiavit conamina Tua & sudores, Cracius Apollo,  
ideò Victorem arduorum, binâ Laureâ redimivit.

Nondum tamen ex integro Authoramentum ab his  
Te sumpsisse credebas, nisi eas novis sudorum gemmis ornares.

Monstra hominum & ejectamenta reputans,  
*quibus honor majoris desidia occasio est, & turpe veterum,*  
& quibus pro tormento labor, pro torculari, Cleanthis ad lucernam vigiliæ.  
Tibi ab his lux præcipua, in omne sufficiens ævum.

Cui irrequies labor, & continua fatigatio, & seria ad functiones  
publicas obeundas præparatio, Hyblâ omni Hymettoq;  
suaviores extiterê.

Attollit gloriæ Tuæ fastigium  
LUBRANCIANUS Academiæ Posnanien: Helicon,  
in quo dignum Musis opus, Cursum videlicet Philosophicum,  
eximia cum dexteritate expedivisti.

Nec par defuit Tibi felicitas  
in excolendis magnæ spei stirpibus & furculis,  
quos ad columnen Regni veros Tullios efformaveras.

FEDRORUM & CZARTORISCIORUM  
Illustrissima Nomina,

Tibi Isocrati suo debent, quòd in Senatu & Comitijis,  
rosas saluberrimorum consiliorum fundant.

*At nequit sub cortina teneri & vno claudi Hemisphario*

*animus*



*animus igne quodam volucris.*

ideò & Tu ad raptum primi Mobilis,  
in exoticas & alieno Sole calentes oras trajecisti,  
non Phaëton, sed Phæbus.

Incaluerê credo erudita illa pectora  
tecum eodem consortio & familiari consuetudine sociata.

Lovanium, Parisij, Roma,

Et si quæ alia Attica, Philosophis nobilioribus gaudet,

Tuam prudentiam, judicij sublimitatem,  
temperatam affabilitate gravitatem, mirabantur.

Dictis pondus & momentum addit

Argus ille Centoculus & scientiarum Epitome

**PHILIPPUS à SS. TRINITATE.**

**Generalis PP. Carmelitarû Discalceatorum.**

qui caput Tuum aurum optimum apud Togatam Gentem  
laudavit, censuitq; congruum fore, vt Triumphatorem

ingeniorum, Victrix & Domina totius Orbis

Doctoralibus Theologici honoris Corymbis decoraret.

Dictum, Factum.

Verùm siste gradum Viator Regionum.

ecce Alma Parens Universitas ob excellentes Tuas dotes,  
communibus suffragijs ad supremam D. Iagellonis Aulam Te vocat,  
vt Domûs Majoris splendor sis, & Magnificentia.

Annuat votis: *per varios casus per tot discrimina rerum*

Redit ex Latio in Natale Solum.

haud ad otium, sed ad cumulanda merita & splendores.

Brevi enim Philosophantium factus Coriphæus.

nunquam ad Purpuram erubuisti, quia ex asse munus Decanale absolvisti.

In Cursu Vladislaviano nunquam stationarius,

cujus Vastitatem semel complexus, duplici biennio emensus es.

Clarus in explicando, subtilis in resolvendo, solidus in probando.

quæ tria perfectum decent Philosophum.

Culmen tenuisse videbatur eruditio omnibus absoluta numeris,

sed humilis de se sensus, medium fuisse gradum persuasit.

Ergo matura gressum, responde pro Loco inter Summos.

*Scande super titulos. Et avita laudis honores.*

Scandit ille satis superq; prosperè,

sed Tibi angustia vel ex eo est Calame;



quòd incompto eloquio augustalia eius lustrare contendas,  
**Exere tamen vires, & dilata latifundia verborum,**  
qui Te Gratiarum fluentis irrigavit, dùm vixit.

**Abyssus est, quod loqueris:**  
quia **THOMÆ** Doctoris Angelici, Cælestis Theosophia.

Hujus Tu juratus in verba Magistri Doctor,  
Medullam omnem exsuxisti.

imò arcanorum mirabilium, quæ non licet homini loqui  
totum pelagus, si absorberi potest, absorpsisti.

ex quo deinde Scaturientes Lymphas Altissimæ Scientiæ  
quia de Deo:

cum Illius vnione Hypostatica derivari, vno propè Lustro  
per revelata principia demonstrasti.

Vastum tandem hunc emensus Oceanum  
ad Promontorium Bonæ Spei, & felicitis Prædestinationis  
Insulam, Professionis Tuæ expandisti vela,  
quam, vt piè credimus, attigisti.

Iam Augem meridiei spectate,  
quotquot nec Ophthalmiâ laboratis, nec Lamiarum more,  
in tenebris Epidaurio serpente, acutiùs, quàm in luce cernitis.

Auream Phæben in Plenilunio spectabitis;

cui **Serenissimus AVGUSTUS II.**

**Poloniarum Rex Invictissimus**  
adauxit Claritudinem.

Eum enim Tu Sceptra Regni primitùs capeissentem,  
& Metropolim cum Proceribus ingredientem,  
ipse felicissimus Sceptrorum Vniversitatis Moderator & **RECTOR,**  
eâ dicendi suavitate & excellentiâ salutasti,  
quæ Tantam decuit Maiestatem.

auctus ijs splendoribus, nihil tamen tumoris admittebas,  
sed eandem animi constantiam, & æquanimitem retinens,  
in superiores non fucatam reverentiam, in pares jucundam  
affabilitatem, in inferiores comitatem,

cum quadam tempestivi rigoris admixtione, servabas.

Innocentiâ & puritate vitæ exemplaris, ad regimen  
honestum perspicax, Ordini bono attentus, & providus in cunctis,

**Amicorum vsq; ad aras fidelissimus Amicus.**



Vellicat præ cæteris aurem, pura in Deum pietas,  
intemerata religio, & quæ homines immortalitati asserit,  
munifica Liberalitas.

hæc Te ex erogato innocenti peculio, principaliter commendat,  
quo, cum alias Aedes, tum præcipuè CANTIANAS auxisti.  
Studiorum Cultores, Academicæ Palladis militiæ adscripti,  
Mecænatem Te & Augustum suum nôrunt.  
in quorum gratis pectoribus, æternum vives.

*Beneficia enim non marcescunt ut flores, quæ duro adamante  
notant gratitudo.*

Volupe est profunda reminisci Veneratione  
Gloriosissimam Celsissimi PRINCIPIS  
& PRÆSULIS Nostri FASCIAM,  
quæ Vniversitatem & Te eodem pænè copulavit nexu,  
quando Te, Assessorem in Controversis Theologicis Casibus fecit,  
& ceu Delphis Oraculum expectavit.

Hos ego Splendores tacitus dum intueor  
fallor an Video

Mearum variari imaginem rerum?

Heu tristem Catastrophem!

Siccinè oculis nostris & amplexibus Te surripis Iubar Clarissimum?

Siccinè pullo syrmate involveris Splendor noster?

Abijt excessit, sed non extinctus est,

quia debitum mortalitatis solvit.

Cinerem cineri, (die Cinerum) reddidit, terram terræ,  
meliorem autem sui partem Empyreo transmisit.

Pandite ergo Portas, Principes & Incolæ Cæli,

ut sine omni obstaculo introëat in gloriam.

Fac illum adstitem Sedium Divinarum,

Poloni Lithaviq; cæli decus speciosissimum D. CASIMIRE,  
inter cuius triumphalia, exuvias corporis deposuit defunctus,

post diuturnos ægritudinis conflictus & symptomata;

refrigerium animæ in Pane Angelico inveniens.

Rosas Tibi & manibus refert lilia plenis

ILLVSTRISSE, ac REVERENDISSE DOMINE,

D. STANISLAE à Słupow SZEMBEK,

Episcopo Dionisiensis, Suffraganeæ, Canonice

& Generalis Officialis Cracoviensis, &c.

quod candidus & gemmeus totus, in tesseram



eximij in eum affectus, extremis laborantem visitares, cuius ardores  
& intensissimos cruciatus dulci ROSARUM Tuarum  
fomento procul dubio mitigasses, si præcox  
fatum, adventum Tuum, modicum expectasset.  
Tibi verò, cui verus dolor lancinat præcordia  
Dimidium animæ viventis, fulgens in Coronato Vaveli vertice, Vnio  
*Perillustis, & Reverendissime Domine*

D. PETRE ORLOWSKI,  
Canonice Cathedralis Crac. Causarum Curia  
Cellissimi PRÆSULIS Auditor, &c.

in lenimen iusti mæroris relinquit,  
quod non in toto Tibi ereptus est, in Tuo corde vivens, vt olim fidus Achates.  
Componit grave suspirium Tuum cum toto Senatu Academico,  
*Magnifice, Perillustis, & Reverendissime Domine,*

J. V. Doctor & Professor, Ecclesiarum, Cathedralis  
Crac. Collegiata Vielunensis, Canonice, SS. OO. Archidiacone,  
Studij Almæ Vniuersitatis Crac. Procancellarie, Scholarum  
Novodyvorskian: Provisor, Generalis & Vigilantissime RECTOR,  
cui vt superstes, ita post fata auspiciatissimum regimen precatur ab eo,  
qui sortes & fata Imperiorum gubernat DEVS.

Nec à Vestro divellitur amore, qui totus animo intra Vos latebat,  
*Perillustres, Clarissimi, & Admodum Reverendi Domini,*

DD. EXECVTORES,

Vobis, vt Vivens mentem explicuit,  
ita moriens ultimam Voluntatem resignavit.

hæc Vobis ex Sarcophaga promit vota, vt Pylios viventes annos, in Capitolio  
immortalis famæ iisdem fulgeatis honoribus, quibus, in meritis fulget.

Hic pro votorum Coronide.

Tibi inter hodiernos parentales lessus,

Indulgentissimo Patri & Provisor,

Clientes, & Contubernij Philosophorum Alumni,

quos Tu præsentis ope, Paterno sinu, interruptis

per tres Olympiadas, fovisti beneficijs,

ad Vnam cordiale appendunt Anathema,

vt in splendoribus Sanctorum, radiatam recipias

ÆTERNÆ GLORIÆ CORONAM.

Permissu, Magnifici Domini

RECTORIS.



*L. XIX. 26*



es

nio

es

lis  
ne,

OR.  
o,

lio  
geto

UNIV

CAE

26



